

叢書集成續編


一七九

新文豐出版公司印行

叢書集成續編

第一七九冊目錄

文學類



詩別集——清

藍尾軒詩稿四卷	清	王毓麟撰	雲南	一
詩畫集遺稿一卷	清	吳本履撰	靜園	五三
三槐書屋詩鈔四卷	清	金朝覲撰	遼海	六一
茶香閣遺草一卷附錄一卷	清	黃婉璫撰	三長物齋	一〇三
小清閣閣詩鈔一卷	清	倪玘撰	雲南	一三五
鄧虹橋遺詩一卷	清	鄧學先撰	雲南	一四三
穆清堂詩鈔三卷續集五卷	清	朱庭珍撰	雲南	一五三
紅茗山房詩存十卷詩餘一卷	清	嚴烺撰	雲南	三〇九
雙清閣詩一卷詩餘一卷	清	趙方蔭華撰	喜咏軒	三八九
聽春草堂詩鈔二卷附錄一卷	清	趙烈文輯	沔陽	四〇一
點蒼山人詩鈔八卷	清	周揆源撰	雲南	四二三
何竹有詩集二卷	清	沙琛撰	古棠書屋	五七一
夢月軒詩鈔一卷	清	何金堂撰	遼海	五九一
朱丹木詩集一卷	清	張玉綸撰	雲南	五九九
梅村賸稿二卷	清	朱丹撰	金陵叢書	六〇九
靜觀書屋詩集七卷	清	汪士鐸撰	貴池先哲	六六五
蟻餘偶筆一卷附筆一卷	清	章鶴齡撰	金陵叢書	七二三

雲南叢書集部之四十二

藍尾軒詩稿

共四卷

雲南圖書
館藏板

甲寅
年刊

王勉生孝廉李即園明經傳

吾里中有才而不遇者以佳僚之戚而損其志者當吾之世已得一人焉曰王勉生孝廉李即園明經考廉名毓麟姓王氏字玉海晚乃自號勉生父時乾隆庚子舉人官永平縣教諭勉生幼隨父任讀書性明敏能日誦數千言雖久不忘時零門桂未谷馥方令永平亟賞之相與上下其論議輒有會心學益進詩古文詞無不工者年二十一補縣學生歲科試必高等嘉慶庚午舉於鄉時勉生年

藍尼

傳

已三十一四試於禮部訖不第道光六年丙戌某月卒年四十有七明經名於陽始名釐字占亭姓李氏先世太和人自其父始徙昆明遂占昆明籍所居室之東有隙地數畝種花蒔竹其中願之曰即園故以即園自號也即園在會城西北隅孝廉之居出城北七里許曰岡頭邨孝廉每自邨入城恒道即園又多以詩筒倡和相往來故兩君與余皆相識嘉慶十九年甲戌余以上舍生留學使者顧南雅師節署讀書先生有子曰爾曾增曰程

慶華皆年十五六欲得學如邊孝先者而教之乃

勉生則余姑識勉生之歲也勉生館吾師節署

未踰年而剛會以痘殤勉生乃辭去既二十二年

丁丑再試禮部不第留都門且四歲逮二十五年

庚辰余以甫計偕北上試被滬而勉生復回下第

是年秋八月即與余同歸嗟乎老女紅愁蛾眉難

嫁蓋至是而抑塞之慨深矣勉生乾隆庚子長

即園五歲即園之生以甲辰然勉生雖不第猶得

舉賢書壯游京輦徧覽河山之勝以太拓其才思

而即園則足跡省閭者先後且十餘試名場踏路

僅以副榜終老死家園是未及出里門半步吁可

慨也即園王舉子業馳譽議論不屑為老生腐語

既連不得志於有司乃肆力為詩閒復喜倚聲度

曲醫藥里俗諸書咸究心焉未死之前數年尤好

扶筴錄名仙太一神君日刺刺深宵作鬼語余嘗

與家古邨上舍顧而嗜曰即園石門一世之樂乃

竟欲棄絕人而睡鬼鄉年四十有四竟以死惜哉

初是嘉慶丁卯戊戌間里人以詩鳴者若謝石瞿

傳

二

廣文瓊王渴園大令長卿孝廉尹退谷尙廉楊右
淇文源皆號駢輪手然訖未能出匏生右厥後十
年而余與家蓮榘孝廉漢古村上舍潛暨池簫庭
贊善生春負笈五華爭以詩文相切劘亦訖未能
出卽園右也卽園詩驚采絕艷奇氣橫溢於唐人
中自當與玉溪生杜樊川抗行匏生則月蝦季練
融冶功深古今體五七言高者不減王韋次亦在
大厯十子間吾滇比自先劉寄荈師主講五華提
倡宗風誘掖後進士之以詩來學者左準繩右規
矩其所成就校易若匏生退谷諸君當詩道絕響
之時崛起其間可不謂難歟匏生旣以庚辰歸遂
絕意仕進養老母授徒資艇脯以自給道光三年
癸未余三下第且悼亡歸見匏生益顚顚不自聊
嘗欲從人假數十緡仿鴟夷子皮種魚經希以致
富規條法式皆厯厯爲余言之卒無能以錢相借
者事訖不就彼其時雖詩壇酒站往還者又踰二
寒暑而骭骸不平之氣已無復少時英絕泊余丙
戌三赴北時匏生奉太夫人諱鍵門讀禮余是秋

送家古村南還猶有寄懷匏生詩而匏生卒矣其
明年卽園亦下世卽園有子三大然卒之日母夫
人猶在堂匏生則母喪且未除竟無子豈不悲哉
余得交匏生旣卽園爲久然中閭相環先後喪及
八百日卽園則自丁丑戎其之變交酒過從無虛
月卽園有所製余定之余有所製卽園定之有獻
替無難阿也卽園中已卯副榜與余爲同年又與
簫庭及楊丹山同馬國翰皆出無錫秦琴山夫子
謁起琴山歸於戊寅鄉試充同考官得余卷於他
房墮實之促本房某公薦不應旣榜發被黜師遣
佗來告余進謁師絮絮述之適余與卽園古邨丹
山簫庭有五子詩鈔之刻已卯唯古村不與試四
人者皆捷琴山師遂作五芝圖也卽園家校匏生
小裕其詩集若干卷已雕板行匏生詩曰藍屋軒
集茲悉其皆已佚散他日綱孫如不死當俟歸時
訪刻之
戴綱孫曰匏生卽園二君皆才士無異辭者然卽
園大不工書匏生則楷法殊精進以彼其能使得

排金門侍玉几給札上方珥筆承明雖未知其於
淵雲枚馬何如要固爲度越尋常萬萬乃竟淪落
以死何歟雖然使二君皆不死幸且得第而所任
非其所習荆玉抵鵲于將補履徒役役焉俯仰隨
人則余以爲死猶彼善夫才而不遇不遇而死古
今來何可勝道獨二君也耶

予前歲得李卽園詩板藏之經正書樓今又得
王匏生藍尾軒詩板仍藏之經正書樓昔見戴
雲帆年丈味雪齋文鈔有匏生卽園合傳一篇

藍尾軒

跋

五

因檢出刊之以冠諸卷首俾讀王李兩先生詩
者先閱是傳得其梗概焉校傳稱匏生窮死又
稱欲爲之梓其詩而是板舊存戴古村先生家
與晚翠軒詩板尺寸相符且雜雜一篋中同時
爲余所得則匏生詩殆古村先生爲之付梓歟
抑雲帆年丈屬古村先生爲之付梓歟未可知
也雲帆古村二公並與匏生爲莫逆交匏生死
而爲之梓其詩令人增友誼之重令二板並藏
一樓所謂兩美必合者爰題數語以志之光緒

辛丑五月昆明陳榮昌跋

藍尾軒

跋

六

五言古詩

感懷五十韻

曰余資薄結弱齡遺振撓五窮未暇送萬恨誰能
療蓬蒿翳閭巷門外迹如埽暗壁蝸涎篆空園鳥
雀噪綿力不任耕手足疲敝飽棄此事儒術詩書
固夙好稟質苦顛愚開卷輒膏眊窮年老佔畢譚
劣儕輩誚二十叨廩祿得米不盈簋阿母見頽白

黽勉親井竈少婦無膏沐釵荆而衣綰終日把剝
繅種蔬供采芣囊餐取足給敢復計精糙一稚蠢
無識啼飢復索鈔科頭暴烈日赤足走泥淖賤子
長太息撫躬徒自悼騎馬出門去寄食北山曠北
山何盤盤洞壑深窅窅灌木紛復猷連峰莽奔陷
日夕景多陰往隄聚鳴叫憂懷浩難寫登陟崇遠
眺南向望故鄉白雲隔遠嶠想像高堂人獨居晏
悵悵祚薄少兒息繞膝誰歡樂感此悲填膺破涕
不成笑竟夕掩關臥孤缸耿微耀歔噓不可解懷

轉當誰告人生苦不齊豐殺異遲趨方圓任洪鑪
進止由短權惟茲窮達理亦視質所肖愚則困卑
栖智則策高蹈緬懷古昔人同趨不同調靜如潛
淵蚪動如食牛豹異彩珠媚川雄聲劍出鞘隆中
始龍臥蘇門終鸞嘯相如本颯爽魯連亦高妙黃
金季布諾冠玉陳平貌當其曲蟠時豈曰殊風操
一朝際雲雷四海仰光耀康瓠棄道傍珊瑚璉登廊
廟嗟我竟何成悠悠虛壯少薄材不自拔心忤足
空躁頓頽無媚骨空勞合柄鑿譬彼腐草螢孤光
難自照又如寒秋蟪私聲鳴泥竅鸞鳩未足鄙偃
鼠殊可倣所志誠區區贅聊戀嫗大化本無常
人生幾差耄脩名患不立窮通誰定料爲歌極反
側因之自暗弔

戊辰秋闈謝石瞿舉于鄉喜賦卽贈其行
憶昔總角歲各抱鸞騰志逸羣屬遠想放眼凌高
寄及爾共筆硯敦情切砥礪抽毫鬪奇險展卷析
疑義說詩與論文羊裘頗同嗜我家陋山麓君家
北城內山村十里餘日夕望君至上堂拜父母對

牀如昆季快作竟夜談雞鳴一燈對自謂盛意氣
青紫可立致崩波委頽景寒暑屢更替當年迫飢
寒瓶罄衣履敝役役斗升營瑣瑣齷齪累况復老
場屋三戰見顛躓歲暮一相見形容惜憔悴今秋
事文戰拔幟成一隊再衰三更竭敢誇奪趙幟歸
家困泥滓掩關終日睡夜深人語雜打門送急遞
公耳聞君名喜甚不成寐皇天具老眼肯使斯人
帶君比饋餉敗我作鉛刀棄我身豈不切因君忘
失和讀書破窮達科目詎所計一薦雖未多庶慰

藍尾軒詩稿

卷一

三

老親意仲冬雪霜繁遊子將遠逝故人一樽酒款
語再三四勸子進一觴莫惜今日醉請堅白首盟
勸爾青雲器努力長安遊 皇州盛佳氣

寓居攻玉書屋謝石瞿見過共擷野菜作羹

對酒作

儒生謀生拙常恐飢寒促雖懷屠門嚼未割曼倩
肉昨展東坡帖頗學飯蘆菰一飽固可營永慚負
吾腹謝郎喜望衡過我不須速淹留棄形骸粗糲
供脫粟寓居來荒園瓶壘乏旨蓄秋雨野菜繁滿

把擷新綠糝羹擬絲尊配鹽比幽菰雖缺調和理
亦聊充食錄薄酒既已陳高談轉相續因念我生
理造物本非感勞勞逐妄營裕堅難滿慾苟以知
止心隨地取自足何曾日萬錢下箸備水陸豈知
澆飡貴千秋美頰歎貧藟庾郎韭飢畫范公粥咬
根事可爲斯言勞三復

村夜懷陳鐵舫用韋韻

空村悵閒臥遠憶讀書客遙知戀清賞孤吟倚巖
石煙鐘發妙想蘿月伴深夕經旬無客來青苔惟

藍尾軒詩稿

卷一

四

鳥迹

圓通寺訪陳鐵舫不值小憩納霞屏仍用韋

韻

我來招提遊不見採芝客孤亭過微雨蒼苔滿幽
石巖高晚煙暝鳥下山徑夕欄坐聞清鐘歸雲去
無迹

奉和桂未谷夫子飲酒之作

清者名爲聖濁者名爲賢太初本無物斯名何有
焉我欲泯清濁返之混沌天萬象俱已滅一杯酒

當前請從醉鄉人兀體同自然

轆轤詞

轆轤轉素綆轉多轆轤傷郎直如絲繩不知儂怨

郎一解儂心轆轤轉宛委牽長絲郎心井中水冷暖

儂自知二解莫解轆轤繩畱繫轆轤心寒泉不可竭

兩意終自深三解汲少井泉冷汲多井泉溫轆轤不

自轉溫冷誰爲言四解

客中得友人書呼酒讀之不覺大醉率爾成

詠

藍星軒詩稿

卷一

五

遠與朋舊隔千里徒相思一朝得報書勝獲十朋

龜捧臧意珍重狂喜不自持呼童命鱗酒再拜讀

其詞其詞何纏綿恍如面光儀一紙盡一杯一杯

復一卮書盡酒亦竭頽然臥空帷

村夜步月懷謝石瞿

明月出高嶺孤村鳴夜舂散步踏清影草積煙露

濃移枝動棲鳥依牆吟病蛩微風起谷口遙聞煙

寺鐘蒼茲良宵意永懷羊求蹤

六月朔十夜款莊里作

小園雨初止斷雲漏涼月流光照衣服清爽透毛
髮掩卷坐虛廊嬾漫腳不韞村火遠明滅風泉聽
恍惚草露止復滴幽蟲響還歇洗鎗自煎茶聊以
滌詩渴

歸化道中失路經村落甚幽

驢馬越長阪山行漸逼窄空谷不逢人飛雨衣露
脈桃花蔽岡巒紅霞漲無際前溪愈幽深突兀撐
怪石地勢忽開豁遙波映天白樵漁三五家把茅
自成宅當戶曬魚網就樹置豚柵炊煙急晚景柳

藍星軒詩稿

卷一

六

條弄春碧徘徊不忍去逍遙愜所適心疑避秦人

深居與世隔僕夫迷故道兒童問來客導我過前

嶺石徑絕行迹削壁倒亘浸驚濤日溯澗深林噪

鳥雀斜陽正西匿行行疲登頓出谷已成夕我馬

既苦飢我僕畏行役幸有微月光悠悠理輕策

周姬殉節詩

姬張氏幼以貧鬻於周氏長甚端謹周公
重選納之簪室是時公老矣姬事之廿餘
年惟善周公卒姬沐浴莊服吞二金環死

焉

女蘿何披離喬木何蕭哀四座試靜聽請述周姬
詞對菲下體賤敢比園中葵幸蒙邱山惠謬充君
房帷君年逮指使妾年方及笄灼灼桃李質忽忽
桑榆期貞固苟獨持榮悴豈異時君恩條中絕奄
忽違容暉念君摧心肝庭鳥爲我悲淒風動總帳
彷彿見君來痛哭靈輒側冥漠君不知區區抱寸
忱輾轉當告誰念君既彌留膝有丈夫兒孫曾見
數輩羅立盈堂階君死既已慰何事待妾治夜探
星詩

白龍秋

山川閟幽局羣靈遂安止茲秋龍所宅林壑尤奇
詭山阿氣蔥鬱巨石立齒齒怪樹垂蔭蔭縹緲
顛趾濃陰浮隱霧倒映清潭水旁有石穹窿怒狀

踰渴兒一穴關檢訝萬派滙清泚山靈洩神漢雲
根裂頑髓吐吞互有聲恍若神所使大哉原泉功
膏澤被豐美混混出不竭有本信若是上有古龍
堂神佩垂嫺纓龍君坐端嚴鰲膝盤盤翫蒼輿四
鸞竄溪風肅然起心魂悸以動鬢髮森上指愧無
清醕薦再拜肅冠履生涯苦短拙居山事耘耔雲
祀逐村翁芬馨告毛社豐潔神所歆素餐神所恥
幸無吝甘霖一沛蒼生喜

與翰上人尋張家寺

清溪抱村轉隨山凡幾曲偶結清淨侶於茲浣塵
服幽行近遠野勝秀麥菽遙望轉蔽虧平岡森
雲木雞鳴在深樹知有山僧屋一柱入煙蘿踏葉
聲款款松扉晝半掩古殿敞清肅寒潭白照膽早
花紅映肉日斜山鳥鳴清磬坐相續林僧復多情
苦齋共齋粥一飯味禪悅萬境空塵俗因師戀幽
賞來期應再卜

夜宿圓通寺夕佳閣同時濯亭作

暮登咒龍臺秋光望迢遞峭壁出飛閣人語在空

際入夜更清迥竹外僧房閉長歌振林谷高天正
秋霽雲淨星光多月黑磴道細龕燈懸孤影巖樹
辨微翳相對澹無言然膏成小憩涼葉墮秋夜流
螢入衣袂坐聽城上鐘靜境生遙裔

長干行

郎從何許來白馬如龍驤錦勒開七寶華纓爛生
光妾停黃犢車郎駐紫遊韁邂逅通一語車馬胡
倉皇昔居長千里甲第遙相望郎年正三五妾齡
十四強雨小絕嫌猜陌上嬉春陽截竹當驛裏同

藍尾軒詩稿

卷一

九

舟下橫塘橫塘有好鳥毛羽五文章驚起東西飛
迴旋復雙翔感此結同心願上合歡堂贈我同功
綿報以雙羅囊羅囊貯迷迭襲人懷袖香袖冷香
未歇歡緣遠乖張可憐蓮並蒂化作花斷腸去年
破羞面嫁得東家王東家感門戶連雲開堂墮冠
蓋蔭數里笙歌沸兩廂一奴持鏡屨二奴擎履箱
行步不自勞肯使拂枕牀富貴豈不赫故心終難
償因君感疇昔疇昔焉可忘情深理難越淚下霑
衣裳

夜宿山寺晨歸屬目

我家山前居更就山中宿愛茲好風月清賞良夜
足晨興躡歸屐林巒麗初旭澗芳襲蓊蔚飛嵐染
衣服林深人不逢潺潺但幽瀑出谷道未遠炊煙
起茅屋

山寺夜歸柬楊謝二子

看山不知晚相送日已沒主人興未盡清嘯激林
樾空山四無人耳目曠幽絕石橫湍瀨響路轉松
風歇幽行忘近遠遂詣鄰僧剎僧離汲山泉煮茗

藍尾軒詩稿

卷一

十

供我啜既欣石上談復此溪前別歸來掩蓬華寒
燈坐明滅惆悵夜鐘時共此山中月

酬謝石瞿津門見懷諸作

別鶴感驚弦愁聽哀雁鳴孤客行掩耳怕聞斷腸
聲憂端一相觸刻去還復生與君俱落魄萬里逐
公車龍門不可上退爲失水魚一身既蹉跎百事
多鉅錡同作長安客不共長安居引領望津門得
君尺素書聞君駕輕舟兩槳層冰蕩身入玉壺裏
心光皆晃朗水木助明瑟雲煙增泱泱嘉遊忽念

我咫尺不同賞復聞昨宵夢與余攜手歸彷彿到
故園剝啄開荆扉上堂不遑語跪奉慈母衣一餐
翻驚覺寒燈照孤帷感此發悲歌詩成寄京國開
緘四五紙心酸語悽惻我讀味終詞淚滿不可堪
人生幾少壯貴得行曾臆顧今何爲有動苦通
仄念君心所悲自知我心苦形影兩乖違不得音
肺腑徒作夢憐魃乃吳車依輔何時百畝田耦耕
滇水濱關河永創跡無作行路人

借居螺峰書舍謝石瞿枉詩見贈用韻奉答

藍星軒詩稿

卷一

十一

僑居來城市愛此修竹林叢篁翳白日苔徑長陰
陰意外獲幽棲愜我泉石心故人謝夫子總角聯
清襟時著一兩屐竹間來相尋呼兒具樽酒杯盡
還自斟情親忘爾我興發無古今涼秋苦泥潦獨
坐愁陰霖君詩破沈疾贈我孤霞吟高懷自騰踔
吾意方陸沈人生貴知己曠代牙弦音

秋日閒居柬謝石瞿仍用見贈元韻

昔我寓茲園新篁未成林十年冷落來杉梧垂濃
陰歲月徒老大回首驚寸心憶昔重九日獨坐結

東樓看攜一壺酒來茲就我斟遺新林下拾野蕪
遙尋茲事感陳迹俯仰成昔今佳節今又過山
城暗秋霖好約黃花節更唱黃花吟百年少良會
難逢悲銷沈眼前且爲樂身後誰知音

諸葛洞灘

亂山莽嶺溪扁舟無出處一罅劈蒼壁萬流此爭
注飛湍苦激薄怪石故抵楫兩捍勢不下誰敢攖
其怒舟師勇且捷見險竟輕赴放舟白羽疾一發
不可停持篙如審的毫釐豈容誤言遲覺更速將

藍星軒詩稿

卷一

十一

離必姑遇轉振俄頃間去之如脫兔前行愈逼窄
險險不知數蒼藤百尺垂老樹孤根露倒影見驚
援飛空洒瀑布標奇與固恆蹈險驚已屢出峽喜
平流輕帆輕鷗鷺

下第後寄鄉中親舊

峻坂置驅丸難弓引勁羽欲留不可得當機非自
辜丈夫生貴賤有家豈違處問關踏風塵苦志迫
身伸從來西江水不潤涸轍鱗撫鬚私自惜孤負
長安春長安貴族意氣恣遨遊冠蓋浮雲車

馬若川流胡爲佳麗地斯人獨沈憂朝登黃金臺
遙望望鄉里萬里安能歸淚隨桑乾水

七言古詩

蔣烈女五首

烈女廣南府人字同里歐陽興通未嫁而
通卒女欲奔喪守志父母固不可女曰然
則使吾一見小姑可也父母佯應之小姑
者興通女弟也女怪其久待不至一日則
盡檢其所爲錦繡繡帶之屬而裂之遂飲

藍尾軒詩稿

卷一

三

酖卒距興通之死蓋十日也同里趙君惺
齋徵及拙作因賦此以哀之

蔣氏女許身何太愚雖有絲蘿緣未拜翁與姑雖
有箕帚盟未成婦與夫胡爲乎蘭摧玉碎捐其軀
出者奴之入者主世情衰薄何足數君看苦節出
閨闥誰道生男勝生女泰山重矣鴻毛輕一朝許
身遂如許嗚呼蔣氏女

妾身許作歐陽婦誰其主者妾父母一身既屬歐
陽子嫁纓繫後心先死耳內惟聞歐陽名那識紛

紛張與季生雖不識歐陽面泉路茫茫終相見重
泉不曉天昏黑妾身輾轉在郎側

望小姑小姑不至胡爲乎願妾一心抱區區小姑
與郎聯骨肉妾見小姑如見夫吁嗟小姑何不來
萬轉千迴直不得至今抱恨無人識

開篋檢舊繡淚下如綆縻上有共命鳥雙栖連理
枝燈期中道兩崩析一朝雄去遺孤雌持刀含淚
裂殘片碎錦零香委歷亂可憐決絕在今宵不向
牀頭理金線

藍尾軒詩稿

卷一

四

一杯酖妾今與爾相爲命閉影空帷人不覺引杯
自酌壺旋罄酒入迴腸腸寸裂滿腔化作啼鵲血
金燭石枯印隴平此血入土千年熱

題畫綠萼梅爲楊燕齋

么鳳夜啼春光洩鶴膝枝撐如立鐵竹影蕭蕭苦
漠漠泣水空山意幽絕第一仙人夢綠華雲軒夜
降半權家碧玉條脫紺珠珥翠簪斜綰雙髻丫珠
簪半夜思仙籍碧落天長去無迹羅浮道士酒醒
時月落參橫情脈脈

元夕獨坐感賦

冰輪碾破碧空出正值春城燈火溢踏歌士女圍
 如雲墮翠遺香歡笑密弦管聲繁玉漏稀銀花火
 樹爭春輝樓頭合宴坐來久月下聽歌歸去遲遊
 情似海春無價競說年光爭此夜愁人獨坐感今
 昔抱影哀吟依茅舍前年騎馬瀾滄濱山花亂點
 征衣塵去年削削博南道思君淚灑悲晴昊今年
 歸臥山中宅月冷花殘情脈脈三旬坐度可憐宵
 在家情性轉如客我生偏覺憂思多春風歲歲愁

藍尾軒詩稿

卷一

五

中過惆悵今宵一輪月明年對爾知如何

送趙萬船歸點蒼湖船名蓮永平人先子門

人也

點蒼蒼蒼十九峰拔天神秀天所鍾祝融不蝕太
 古雪銀光冷壓青芙蓉君家住近蒼山麓驚鷗
 徑杉皮屋日出煙消林鳥鳴開戶山光紛滿目我
 昔西來遊君里歲暮三渡瀾滄水看山已飽愛山
 心就中更喜識吾子風塵獨立鶴娟娟意氣適上
 無回旋天涯兩度得握手細奴城邊春可憐誰知

入事成蹉跌三年頓與青山別遺恨深填漾潯江

駐遊失卻蒼山雪西風嚴桂花如霞一別一歲一

相見頭顱老大轉癡頑乞食年年抱鐵硯今君將

歸不可暫剩欲匹馬從君遊白雲飛去望難極翹

首點蒼雙淚流

聽煮茶歌

寒夜酒渴自起煎茶聽沸鼎聲初終鉅細

散盡百變難齊光天轉莫能狀也作歌以

述其略

藍尾軒詩稿

卷一

五

玉鉤昏黃星斗斜小窗竹几聽煮茶轉轡素縷汲

寒井蟹湯滿注堆雪花烏金細琢煨桐栢鷄毛轉

雪風初發悄悄兀兀靜無聞俄如歌女吟復歇中

有長號如寒蠶孤鳴似怨秋宵涼候復蠶聚競喧

響密脾春制蜂爭房火光微燄紅舌吐古鼎欲翻

聲莽幽雲巖洞近飛泉銀竹森森來白雨瀑泉

雜雨鳴嗽槽松風驚擊欬切蠶子規裂竹援嘯樹

蒼龍怒捲湘江濤戰車萬軸走摩礪陣雲漠漠連

天高兩軍相撼忽崩決霜矛鐵馬羣奔逃天嶺

吸氣獨王叫譟笑咬送爲唱相煎乃有不平鳴頓
令頃刻殊萬狀倚聽移時吟吻渴綠塵且向瓊甌
潑不待舌頭滋味回新蟾脈脈高城沒

春睡曲

燕釵墮股拋盤雲紅酣綠困迷春醺瑣窗啼鳥弄
清曉踏折花枝呼不聞春慵一點濃於水斜背枕
屏嬌不起箇裏風情有誰知蝶魂偷入吳宮裏殘
脂圓注朱龍格修眉宛宛湘煙薄一任偷窺作畫
圖黃金壓扁釵頭雀眼波半露身微轉侍兒扶起

藍尾軒詩稿

卷一

七

花猶軟斷夢零星定所思一窗紅日梳頭嬾

爲家大人謝顧蘋生山長惠酒

冷官好飲老成癖覓酒真如索靈液移封那得酒
泉郡痛飲欲隸糟邱籍此鄉惡酒不可沽薄於世
僧酸於儒杖頭百錢空復爾風光憶殺黃公壚願
家虎頭醉鄉主乞我雙罍如雪乳開罇一醉杏花
前東風落盡燕支雨

典衣行

拙儒醫貧勝醫國百孔千瘡補不得十日春寒磨

竈空稚子淒涼少顏色日暮歸來還自憐蝸壁四
顧徒森然殘書數卷不堪煮空囊羞澀無餘錢夜
吟莫厭春衣薄盡篋窮搜歸典閣得錢暫博眼前
歡一束質帖常局鑰西風冷入嚴霜辰閉門楫柁
懷溼薪敝袍揖客露兩肘殘衫藍縷污黃塵昨來
更作舌耕計手指口畫枯右臂故物一一猶堪贖
終歲經營月不足衣回金盡囊又空甕底依然無
斗粟朝來轆轤鳴飢腸人間那有餐石方高歌大
笑出門去仰看天際飛鴻翔

藍尾軒詩稿

卷一

六

落花芳草天涯圖爲楊初園賦

中庭桃李花吹散落西家西家遊子歸未得含情
獨立悲天涯天涯處處多芳草春風無那催人老
送盡班騅去不還客程卻憶江南道江南風物總
堪悲六代繁華非舊時瓊枝冷落蕃釐觀苔蘚荒
涼江令祠三月草長清明節行人又向江頭別惆
悵東園一樹花幾得罇前醉香雪落花如雪不聞
聲惹袖霑衣似有情豈知客恨無消歇一夜還隨
春草生春草生春日暮花搖搖下芳樹遠遊到處

只消魂年年杜宇催歸去

從謝石瞿處借觀朱丹木詩草攜歸竟爲人

取去恐石瞿見責並無以復丹木也因成

長句報謝君兼廣朱君之意

人間珍物出非偶得之往往難爲奇譬如細柯大
寶珠見者能無按劍石翁君健筆高凌雲不與餘
子較升斗昨者一卷乞諸鄰頃刻傳觀驚左右清
韻敲鏗玉在懸麗句絡繹珠貫紐誦之萬遍不忍
釋臣在下風甘頰首豈知殊昧有同嗜轉眼已落

藍屋軒詩稿

卷一

左

他人手乘間取鄆多陰謀此事定知爲誰某漫藏
早啓肱箇心補牢悔出亡年後寶玉竟遭陽虎竊
嗟爾典守敢辭咎亡弓固知爲楚得完壁何能免
趙負君不見僧繇畫龍破壁飛張華寶劍出匣吼
本來神物非近翫什襲猶爲不廋走朝來走簡報
謝君以此詩寄番友卑詞爲請君無嗔得失須
爲塞上叟眼着傳寫徧人間一朝膾炙干人口

題萬香海芭蕉尋春圖

東風詠蕩吹香陌浪草繁花爭弄色長安市上馬

如龍中有一人神靜默衿衣芒屨兩條然有似孤

松挺干只少年俠遊豪貴地意氣千霄作虹霓浪

竊紅紫足平生不惜千金買一刻歸來十載住家

山東風冷落揚雄宅鐘鼎荒涼裏琴愁閨年屢笑

黃楊尾先生抱膝只高吟杜門日日伴書冊盎然

滿腹春熙熙苑梧雖集人猶惜我欲從君踏芳草

定費平生幾兩屐拂面紅塵前度來桃花應識元

都客尋春何處春偏多流光不待將奈何願君常

作東風主花前大笑同高歌

藍屋軒詩稿

卷一

壬

春日過卽園見劉二丈寄錢四丈芷汀去

冬看梅之作因賦長句呈二老人並寄李

古亭唐二南

太懸首重劉與錢詞壇流播多名篇遺宗文采誰

繼作吾鄉二老稱最賢劉侯天機尤警捷大波軒

起生瀟灑老幹槎枒倚絕壑輕鴻矯健摩穹天錢

侯識高鑑裁密稱多量少工磨研滂葩盡埽愛古

淡清自既竭精堅生面各關意象別獨造要同

歸自然天教二老振風雅袖簪早送而紫綠登壇